

Na osnovu člana 21. stav (1) tačka ć) Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“, broj: 8/11), člana 32. stav (1) alineja 5. Statuta Općine Velika Kladuša („Službeni glasnik Općine Velika Kladuša“, broj: 12/11) i člana 106. Poslovnika Općinskog vijeća Općine Velika Kladuša („Službeni glasnik Općine Velika Kladuša, broj: 12/11) Općinsko vijeće Općine Velika Kladuša na \_\_\_\_\_ redovnoj sjednici Općinskog vijeća održanoj \_\_\_\_\_ 2023. godine donosi:

**ODLUKU**  
**O KORIŠTENJU OPĆINSKE VIJEĆNICE I KABINETA PREDSEDAVAJUĆEG**  
**OPĆINSKOG VIJEĆA**

**Član 1.**

**(Predmet Odluke)**

Ovom Odlukom utvrđuje se način i uvjeti korištenja Općinske vijećnice i kabineta predsjedavajućeg Općinskog vijeća.

**Član 2.**

**(Ravnopravnost spolova)**

Gramatička terminologija korištenja muškog ili ženskog roda u ovoj Odluci podrazumijeva oba roda.

**Član 3.**

**(Općinska vijećnica)**

(1) U pravilu Općinska vijećnica se koristi za održavanje sjednica Općinskog vijeća, a uz odobrenje se može koristiti i od strane drugih fizičkih i pravnih lica.

(2) Predsjedavajući Općinskog vijeća zaključkom može odobriti drugim fizičkim i pravnim licima (u daljem tekstu: korisnik Općinske vijećnice) korištenje Općinske vijećnice na njihov pismeni zahtjev kojeg podnose najmanje sedam dana prije datuma kojeg u svom zahtjevu predlažu kao datum korištenja Općinske vijećnice. Izuzetno, uz opravdan razlog, zahtjev može biti podnesen i u kraćem roku.

(3) Zahtjev iz stava (2) ovog člana sadrži: datum i vrijeme korištenja, svrhu korištenja te jasno naznačene kontakt podatke i naziv podnosioca zahtjeva tj. korisnika Općinske vijećnice.

**Član 4.**

**(Odgovornost za pričinjenu štetu)**

Za sva eventualna oštećenja na podovima, zidovima, instalacijama ili opremi koja za vrijeme korištenja Općinske vijećnice nastanu kao posljedica nehata, nemara ili namjernog izazivanja štete od strane korisnika Općinske vijećnice ili lica koja je korisnik Općinske vijećnice pozvao ili odobrio njihovo prisustvo odgovoran je korisnik Općinske vijećnice i isti snosi troškove saniranja štete ili zamjene oštećenih dijelova ili opreme.

## **Član 5.**

### **(Kabinet predsjedavajućeg Općinskog vijeća)**

(1) Prostorije kabineta predsjedavajućeg Općinskog vijeća, koje se nalaze uz Općinsku vijećnicu, a sastoje se od kancelarije predsjedavajućeg Općinskog vijeća, kancelarije sekretara Općinskog vijeća i kancelarije tehničkog sekretara, koriste se isključivo za potrebe obavljanja poslova predsjedavajućeg Općinskog vijeća i sekretara Općinskog vijeća.

(2) Prostorijama iz stava (1) ovog člana upravlja predsjedavajući Općinskog vijeća i/ili sekretar Općinskog vijeća uz saglasnost predsjedavajućeg Općinskog vijeća.

## **Član 6.**

### **(Ključevi)**

(1) Ključevi Općinske vijećnice i kabineta predsjedavajućeg Općinskog vijeća nalaze se kod predsjedavajućeg Općinskog vijeća i drugih lica koja za to zaključkom ovlasti predsjedavajući Općinskog vijeća.

(2) Jedan primjerak ključa Općinske vijećnice zadužit će šef Službe za upravu, društvene djelatnosti i zajedničke poslove.

## **Član 7.**

### **(Prestanak važenja akata ranijih akata)**

Sve ranije odluke, pravilnici i drugi akti stavljaju se van snage u dijelu koji je suprotan odredbama i duhu ove Odluke.

## **Član 8.**

### **(Stupanje na snagu)**

Ova Odluka stupa na snagu danom donošenja, a objavit će se u „Službenom glasniku Općine Velika Kladuša“.

Predlagač:  
Općinski vijećnik  
Zlatko Pajazetović

Broj: /23  
Velika Kladuša, 24.5.2023. godine.

## Obrazloženje

**Pravni osnov za donošenje Odluke:** članom 21. stav (1) tačka ć) Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“, broj: 8/11) i članom 32. stav (1) alineja 5. Statuta Općine Velika Kladuša („Službeni glasnik Općine Velika Kladuša“, broj: 12/11). propisano je da Općinsko vijeće upravlja i raspolaže općinskom imovinom. Na osnovu člana 31. Statuta Općine Velika Kladuša („Službeni glasnik Općine Velika Kladuša, broj: 12/11) i člana 98. Poslovnika Općinskog vijeća Općine Velika Kladuša („Službeni glasnik Općine Velika Kladuša, broj: 12/11), općinski vijećnici su nadležni za predlaganje odluka i drugih akata Općinskom vijeću. Članom 106. Poslovnika Općinskog vijeća Općine Velika Kladuša propisana je mogućnost donošenja odluka po hitnom postupku za čije uređivanje postoji neodložna potreba i ako bi donošenjem tog akta u redovnom postupku mogle nastupiti štetne posljedice za društvene interese Općine.

**Razlozi za donošenje Odluke:** već duže vrijeme Općinsko vijeće nije u mogućnosti koristiti prostorije Općinske vijećnice niti kabineta predsjedavajućeg Općinskog vijeća oz razloga što Općinski načelnik silom zabranjuje korištenje navedenih prostorija. Stoga su Općinsko vijeće i predsjedavajući Općinskog vijeća prinuđeni poslove iz svoje nadležnosti obavljati van službenih prostorija što je nedopustivo i što se u svakom slučaju negativno odražava kako na kvalitet rada Općinskog vijeća i predsjedavajućeg Općinskog vijeća tako i na ugled ovog predstavničkog tijela i Općine Velika Kladuša.

Obzirom da Općinsko vijeća nije uspjelo uz brojne pokušaje izdejtstvovati kod Općinskog načelnika drugačiji stav, obaveza je Općinskog vijeća da koristeći se zakonskim ovlaštenjima donese odluku kojom će adekvatno regulisati ovu materiju i osigurati Općinskom vijeću i predsjedavajućem Općinskog vijeća nesmetano svakodnevno korištenje službenih prostorija Općinskog vijeća i predsjedavajućeg Općinskog vijeća.

Na osnovu člana 21. stav (1) tačka ć) Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“, broj: 8/11) i člana 32. stav (1) alineja 5. Statuta Općine Velika Kladuša („Službeni glasnik Općine Velika Kladuša“, broj: 12/11) Općinsko vijeće Općine Velika Kladuša na \_\_\_\_\_ redovnoj sjednici Općinskog vijeća održanoj \_\_\_\_\_ 2023. godine donosi:

## ZAKLJUČAK

### Član 1.

S ciljem provođenja Odluke Općinskog vijeća o korištenju Općinske vijećnice i kabineta predsjedavajućeg Općinskog vijeća zadužuje se Bisenija Mušedivnović. predsjedavajuća Općinskog vijeća da odmah po donošenju ovog Zaključka angažira ovlašteno lice sa zadatkom da izvrši zamjenu brava na vratima Općinske vijećnice i svih prostorija kabineta predsjedavajućeg Općinskog vijeća.

### Član 2.

Ovaj Zaključak stupa na snagu danom donošenja.

Predlađač  
Općinski vijećnik  
Zlatko Pajzetović

Broj: \_\_\_\_\_ / 23  
Velika Kladuša, 24.5.2023. godine